

Swydd-ddisgrifiad

Teitl y Swydd: Rheolwr Prosiect – Gwynedd Ddigidol
Cyflogwr: *Citizens Online* – adrodd i'r Rheolwr Gyfarwyddwr
Cyflog: £38k
Oriau: 37.5 awr yr wythnos
Contract: Llawrydd neu contract chwe mis. Rydym yn fodlon ystyried contract llawrydd ar yr un cyflog. Neu secondiad.
Lleoliad: Lleolir y swydd yn y cartref, gan deithio o gwmpas Gwynedd
Gwyliau Blynyddol: 25 niwrnod + gwyliau cyhoeddus
Cais: Er mwyn ymgeisio am y swydd hon, byddwn angen llythyr eglurhaol (uchafswm o 600 gair) yn amlinellu sut yr ydych chi'n cwrdd â'r meini prawf hanfodol ar gyfer y swydd, ynghyd â'ch CV (uchafswm o ddwy dudalen).

Y PROSIECT A'R SWYDD

Mae Gwynedd Ddigidol yn cael ei gyllido drwy Gronfa Adfywio Cymunedau a gynigir gan Lywodraeth y DU. Bydd y prosiect hwn yn canolbwyntio ar gydlynw a chyflawni'r ddarpariaeth o sgiliau digidol hanfodol i gefnogi oedolion sy'n economaidd anweithredol a phobl fregus sydd â diffyg sgiliau a hyder i ddefnyddio digidol. Yn ogystal, gallwn ni gefnogi sefydliadau a BBaChau gyda sgiliau digidol hanfodol. Mae'r canlyniadau yn canolbwyntio ar gefnogi pobl i ymgymryd â chwilio am swyddi, cael cymwysterau a chynyddu eu sgiliau digidol hanfodol ar gyfer bywyd.

Byddwn yn contractio 'Eiriolwyr Digidol' a fydd yn darparu cefnogaeth un i un ar gyfer pobl gyda sgiliau digidol isel neu ddim sgiliau digidol, hyder, ac/neu ysgogiad i ymgysylltu â'r byd ar-lein. Byddai'r gefnogaeth a ddarperir i fuddiolwyr yn seiliedig ar anghenion y dysgwyr, gyda phwyslais arbennig ar Fframwaith Sgiliau Digidol Hanfodol yr Adran dros Addysg ynghyd â sgiliau digidol ar gyfer y gweithle. Byddan nhw'n cael eu cefnogi gan Reolwr Prosiect a fydd yn goruchwyllo'r prosiect ac yn sicrhau ei fod yn llwyddiant.

Yn ychwanegol at yr Eiriolwyr Digidol y byddwn ni yn eu cyflogi, byddwn hefyd yn hyfforddi eiriolwyr digidol mewn sefydliadau eraill a fydd yn cefnogi pobl debyg gyda sgiliau digidol. Yn ogystal, byddwn yn recriwtio eiriolwyr digidol gwirfoddol i gynorthwyo dysgwyr.

Mae gan *Citizens Online* hanes o waith cynhwysiant digidol yng Ngwynedd. Drwy'r prosiectau *Get IT Together* (2011-2015) a Gwynedd Ddigidol (2015-2019), rydym:

- wedi helpu dros 7,000 o unigolion gyda'u sgiliau digidol
- wedi dod â thros 70 o sefydliadau ynghyd mewn partneriaeth cynhwysiant digidol
- wedi trefnu gwefan sy'n rhestru 41 lleoliad sy'n darparu mynediad at y rhyngwyd yn rhad ac am ddim, a 84 o wahanol fathau o gymorth gyda sgiliau digidol.

Drwy ein profiad, rydym yn gwybod bod y gagendor digidol hwn yng Ngwynedd yn effeithio yn bennaf ar y rhai hynny sydd ambell waith yn fregus ac ar y cyrion. Mae hyn yn cynnwys: preswylwyr hŷn, pobl anabl, y di-waith a phobl sydd wedi'u tangyflogi, y rhai hynny ar incymau

is, a'r rhai hynny â lefelau is o gymwysterau a/neu sgiliau. Mae diffyg ymglymiad digidol yn eu dal nhw'n ôl drwy gyfyngu ar eu gallu i ddatblygu gwell cyfleoedd gwaith a chysylltiadau cymdeithasol cadarnhaol.

CYFRIFOLDEBAU

Bydd y Rheolwr Prosiect yn gweithredu'r prosiect yn ardal Gwynedd.

Bydd y prosiect yn datblygu capasiti yn y gymuned drwy nifer o ffyrdd, gan gynnwys codi ymwybyddiaeth o'r buddion o feddu ar sgiliau digidol a chysylltedd i gyflwyno budd cymdeithasol ac economaidd i'r cymunedau lleol. Yn allweddol i'r dull, bydd ailymgysylltu â sefydliadau cymunedol yr ydym wedi gweithio gyda nhw yn flaenorol, ac ymgysylltu gyda 25 arall er mwyn gwella capasiti ar gyfer cefnogaeth gyda sgiliau digidol.

Bydd swydd y Rheolwr Prosiect yn defnyddio dulliau strategol a thactegol tuag at:

- Gydlynu adnoddau lleol ar gyfer y prosiect er mwyn sicrhau ymdriniaeth ddaearyddol drwy ardal Cyngor Gwynedd
- Rheoli cynnydd y prosiect o ddydd i ddydd a bod y prif gyswllt ar gyfer cleientiaid
- Ymgysylltu â mentrau digidol sy'n bodoli a gweithio gyda nhw yn gydweithredol
- Nodi ac arwain y ffordd i'r rhaglenni sy'n bodoli er mwyn annog pobl i fynd ar-lein
- Llunio adroddiadau misol, gwerthusiadau ac astudiaethau achos er mwyn sicrhau dull sy'n seiliedig ar dystiolaeth
- Rheoli llinell yr Eiriolwyr Digidol cyflogedig
- Rhoi cefnogaeth i'r Eiriolwyr Digidol gyda chyflwyno'r cynllun benthycu llechi
- Gweithio gyda'r tîm canolog a chynorthwyo gyda dyletswyddau eraill fel y bo angen gan *Citizens Online*.

Byr yw'r amserlen ar gyfer y prosiect, ac oherwydd hynny rydym yn chwilio am unigolyn profiadol sy'n gallu gweithio'n gyflym o'r cychwyn cyntaf. Byddwch chi'n meddu ar sgiliau pobl ardderchog a byddwch chi'n gyfforddus i weithio gyda phobl o amrywiol gefndiroedd. Byddwch chi'n frwdfrydig ynglŷn â thechnoleg ddigidol a'r buddion y gall ei chynnig i'r gymdeithas.

MANYLEB YR UNIGOLYN

1. Dealltwriaeth ynglŷn â materion allgáu digidol. Sensitifrwydd a thrugaredd ynghylch anghydraddoldeb, allgáu a gwahaniaethu cymdeithasol
2. Profiad rheoli prosiect o dair blynedd o leiaf
3. Sgiliau cyfathrebu ardderchog gan gynnwys: wyneb yn wyneb, dros y ffôn ac yn ddigidol gydag amrywiaeth o ddefnyddwyr gwasanaethau, uwch randdeiliaid, gweithwyr proffesiynol ac asiantaethau allanol
4. Profiad o brosesau monitro ac adrodd a'r gallu i gynhyrchu cynlluniau, cofnodion ac adroddiadau cryno, eglur mewn Cymraeg a Saesneg ysgrifenedig
5. Gallu i weithio yn gydweithredol ac yn effeithiol gyda grwpiau, partneriaid ac unigolion. Gallu i feddwl yn strategol a gweithio mewn partneriaeth ar draws amrediad o sefydliadau
6. Profiad o reoli tîm o staff
7. Gallu i weithredu cynlluniau'r prosiect i gerrig milltir cytunedig

8. Gallu i ddefnyddio amrediad o sianelau marchnata er mwyn hyrwyddo'r prosiect ac ymgysylltu â dysgwyr a sefydliadau
9. Gallu i drefnu/blaenoriaethu gwaith ar eich liwt eich hun ac fel rhan o dîm
10. Siaradwr Cymraeg, gyda gwybodaeth am y cymunedau a'r ardal yng Ngwynedd
11. Gallu gweithio o bell ac yn fodlon gwneud hynny, ynghyd â gallu a'r bodlonrwydd i deithio yng Ngwynedd a'r cyffiniau lle y bo angen

Profiad a Sgiliau sy'n Ddymunol

12. Gwybodaeth/profiad o weithio gyda phobl ddi-waith a deall y rhwystrau sy'n bodoli i bobl sy'n chwilio am waith
13. Gallu i weithio ar draws plattfformau gwahanol y cyfryngau cymdeithasol a chyfathrebu (e.e. *Facebook, WhatsApp, Instagram*)
14. Rheoli a datblygu partneriaethau ar draws amrediad o sefydliadau statudol a chymunedol.

SUT I YMGEISIO

Anfonwch **lythyr eglurhaol (uchafswm o 600 gair)** os gwelwch yn dda, a fydd yn dangos sut yr ydych chi'n cwrdd â'r profiad a'r sgiliau hanfodol, ac os yw'n berthnasol, y wybodaeth a'r sgiliau dymunol a amlinellir uchod. Cofiwch gyfeirio at feini prawf 1-14 yn eich llythyr eglurhaol os gwelwch yn dda. Yn ogystal, dylech chi gynnwys eich **CV presennol (dim mwy na dwy dudalen)** os gwelwch yn dda.

[Cliciwch yma i ymgeisio yn Indeed](#) os gwelwch yn dda.

Y dyddiad cau ar gyfer ceisiadau yw dydd Gwener, 3^{ydd} Rhagfyr 2021. Oherwydd natur tymor byr y gontract, byddwn yn cyfwrdd ymgeiswyr addas ar sail achos wrth achos.

Bydd y cyfweiliadau yn digwydd dros *Zoom* ar adeg addas a fydd yn cael ei drefnu gyda'r ymgeisydd cyn gynted ag y bo modd.

Er mwyn derbyn mwy o wybodaeth, anfonwch e-bost at laura.simpson@citizenonline.org.uk os gwelwch yn dda neu ffoniwch 0808 196 5883 a gadewch neges llais a byddwn yn eich ffonio yn ôl. www.citizenonline.org.uk

CEFNDIR

Elusen cynhwysiant digidol yn y DU a sefydlwyd yn 2000 yw *Citizens Online*. Ein nod yw sicrhau nad oes unrhyw un yn cael ei adael ar ôl yn y byd digidol yr ydym yn awr yn byw ynddo. Mae byw yn ystod y cyfyngiadau symud wedi dangos i bawb pa mor bwysig yw sgiliau a thechnoleg ddigidol i wneud ein bywydau yn haws. Fodd bynnag, mae 9 miliwn o oedolion yn y DU yn methu defnyddio'r rhyngwryd.

Mae'r bobl sy'n fwy tebygol o fod yn cael eu heithrio yn ddigidol yn bobl hŷn, pobl ar incymau isel, pobl anabl neu bobl gyda chyrhaeddiad addysgol isel. Rydym yn dymuno pontio'r gagendor digidol a helpu pawb i ddefnyddio'r rhyngwryd yn hyderus ac yn ddiogel.

Rydym yn gweithio gyda sefydliadau er mwyn ymwreiddio cynhwysiant digidol fel rhan o raglenni trawsnewid. Rydym yn anelu at wneud darparu cynhwysiant digidol yn gynaliadwy ac yn argymhell tair elfen allweddol i weithredu hyn.

1. **Tystiolaeth** – rydym yn ymchwilio i risg allgáu digidol o fewn ardal ac yn adeiladu sylfaen ar gyfer gwaith cynhwysiant digidol.

2. **Partneriaethau** - bydd llawer o sefydliadau o fewn ardal leol yn darparu cefnogaeth cynhwysiant digidol neu'n ymwybodol bod eu cleientiaid a'u staff angen cefnogaeth gyda sgiliau digidol hanfodol. Mae'n rhaid i sefydliadau weithio gyda'i gilydd er mwyn cael mwy o effaith.

3. **Eiriolwyr Digidol** - gwyddom mai'r ffordd orau i gefnogi pobl gyda sgiliau digidol yw dull yr eiriolwr digidol 1 i 1. Mae ein cleientiaid yn cynnwys Awdurdodau Lleol, Cymdeithasau Tai, Grwpiau Argyfyngau Sifil Posibl, Llywodraeth, Busnesau Masnachol a sefydliadau'r Sector Wirfoddol.

Rydym yn cyflwyno prosiectau cynhwysiant digidol fel *Digital Brighton and Hove*, lle'r ydym yn darparu cefnogaeth eiriolwyr digidol yn y gymuned ac yn gweithredu cynllun benthyca llechi. Rydym wedi adeiladu rhwydwaith cynhwysiant digidol o dros 350 o sefydliadau yn yr ardal. Rydym yn gweithredu llinell gymorth sgiliau digidol radffôn genedlaethol er mwyn cefnogi pobl gyda sgiliau digidol hanfodol a rheoli dros 600 o eiriolwyr digidol. Yn ogystal, rydym yn ymgymryd â phrosiectau ymchwil a gwerthuso. Mae cleientiaid diweddar yn cynnwys *The Centre for Ageing Better a Public Health England*.

Mae ein gwerthoedd allweddol yn ategu popeth yr ydym yn ei wneud:

Annibyniaeth - rydym yn gweithredu gyda gonestrwydd, didwylledd a thegwch er mwyn ennill ymddiriedaeth y rhai hynny'r ydym yn gweithio gyda nhw, yn fewnol ac yn allanol fel ei gilydd

Cydweithrediad - rydym yn annog creadigrwydd a gwell cyfathrebu drwy ein diwylliant cefnogol sy'n gwerthfawrogi rhannu gwybodaeth, dysgu a gweithio gyda'n gilydd er mwyn cyflawni'r gorau y gallwn ni

Arloesedd - rydym yn sefydliad arloesol a blaengar gyda diwylliant agored a chydweithredol. Rydym yn manteisio ar newid, technolegau newydd a gwell ffyrdd o weithio ym mhopeth yr ydym yn ei wneud, o gyflwyno gwasanaethau at ein prosesau mewnol

Ansawdd - rydym y grymuso unigolion i gymryd y cam cyntaf a'r cyfrifoldeb i gyflawni'r canlyniadau gorau y gallan nhw, a hynny o fewn yr amser a'r gyllideb.